

Конкурс за софінансованє младежских проєктх у рускей заєдніци - 2025

Кед маш идею як унапредзиц дацо у твоім краю, як ришиц даяки проблем, витвориц потребу хтору ма твоя заєдніца, лебо єдноставно обдумаш добри способ на хтори ти и екипа препровадзице шлебодни час, вец конкурс за младежски проєкти у рускей заєдніци права ствар за тебе!

Роботне цело за младих, хторе основал Национални совет Руснацох, то ґрупа активних, искусних и младих особох з розличних местох, хтора ту же би потримала активне уключованє младих до дружтвеного и културного живота рускей заєдніци. Наш перши крочай, того року, то розписованє конкурсу преїґ хторого можеце достац потримовку у реалізованю ваших идейох.

Хто?

Ти и твоя екипа, дружтво з класи, пайташе, колеґове, културно-уметніцке дружтво, невладове здруженє, лебо було хто за кого думаш же би шцел/а допринєсц рижнородносци активносцох при младих. Условіє же бисце мали од 15 до 35 роки, же би вас було найменей тройо, та же би ваш проєкт бул унапрямени на руску заєдніцу и младих у нєй. Теди поставаце тим хтори ше може приявиц на конкурс.

Цо?

Ваша идея може буц гоч цо, важне же би ю реалізовали и орґанізовали праве ВИ и же би була повязана зоз єдну од штирох цільних обласцох національного совету, а з нашу потримовку зоз софінансованьом и добродзечними советами.

Цільни обласци національного совету рускей націоналней меншини и толкованя

Култура - Активносци котри уключую младих до културних змистох (вистави, промоції, трибини, вечари поезії або прози, концерти и подобне)

Образованє – Активносци котри уключую младих у формалним образованю на руским язичу (ваша активносц може и не муши буц саме образованє, на приклад можеце орґанізовац вилет за школярох котри ше образую по руски, або визначиц младих котри вибрали роботу у образованю по руски, будзце креативни зоз тему)

Информованє - Активносци з хторима сщеце поинформовац младих о важних стварох (квалитетни и забавни писани, визуелни або видео змисти за младих и подобне, шлебодно хаснуйце онлайн дружтвени медії)

Службене хасноване языка и писма – Активносци котри доприноша хаснованю руского языка и писма при младих (вечари дружтвених бавискох преложени по руски, прекладане комерциялних шветових змистох на руски язык, трибини, округли столи, едукації и подобни иновативни активносци котри потримую и промовую руски язык)

Будзце креативни зоз цильними обласцами и шлебодно нам пишце на rcmladez@gmail.com кед же маце питаня або наидзеце на неясносци.

Приява и реализоване проектох

Конкурс отворени **од 30. мая по 18. юний**. Резултати можеце обчековац коло **25. юния**.

Проекты планујце так же би вашо активносци були закончени по **15. децембер 2025. року**.

Як ше приявиц?

У прилогу маце приявни формулар хтори треба пополнїц и послац у електронскей форми на адресу rcmladez@gmail.com, лебо у писаней форми на адресу Национального совиту: Фрушкогорска 64, 25233 Руски Керестур.

Други правила конкурсу

Кажди проект треба же би бул приявени спред даєдного формалного здруженя, културно-уметніцкого дружтва (КУД), лебо невладовай організації (НВО). Єдно формалне здружене, КУД, або НВО можу приявиц найвецей три проекти по конкурсним термину.

Кажди проект муши мац главного и одвичательного ношителя/ку и ище найменей два особи котри буду учашніки/ци у організації проекту. Єдна особа шме приявиц єден проект по конкурсним термину.

Потримуєме неформални групи младих же би пренашли формалне здружене, КУД, або НВО, преїг хторого приявя свою идею, а кед же су то не у можлівосци, рішене пренайдземе ведно так же нам будзце писац на емаил rcmladez@gmail.com скорей як цо пошлєце вашу проектну прияву и голєм 7 дні скорей завераня конкурсу.

До непрапаюющих трошкох у финансијним плану спадаю средства наменени за:

- хонорари и дньовніци за организаторох;

- було яки алкогольни напой або доган и його продукти.

- змесцене

За вецей информации пишце нам на адресу rcmladez@gmail.com (у наслову назначиц „За младежски проекти у рускей заєднїци“).